

竊盜

律例根原卷之六十四

原例

一凡竊盜搶奪掏摸等犯遇

赦俱免刺字

一凡竊盜遇

赦得免併計之後再行犯竊復遇

恩詔後犯案到官審係再犯三犯俱按照初次

恩詔後所犯次數併計照律科罪

臣等謹按前條係康熙年間舊例後條係

增叙以昭賅備謹將修併例文開列於後

修併

一竊盜搶奪拘摸等犯事犯到官應將從前犯案次數併計科罪若遇

恩赦其從前所犯原案咸予赦除免其併計並免刺字有犯仍以初犯論如得免併計之後再行

犯竊復遇

恩赦後犯案到官審係再犯三犯俱按照初次

恩赦後所犯次數併計照律科罪若遇清理庶獄

恩旨免罪不免刺者仍行併計按照從前次數定擬

原例

一積匪猾賊為害地方審實不論會否刺字改發雲貴兩廣極邊烟瘴地方充軍

一辦理積匪猾賊之案如係因竊擬流擬徒逃回釋回仍不悛改復連竊至三案以上又初

犯再犯之賊如糾夥連次疊竊至六案以上者并雖未糾夥而疊竊在八案以上者均照

積匪猾賊例擬遣其並未糾夥竊案數少而

情節有類於積猾者卽照積匪猾賊例量減一等擬以滿徒其三犯計贓重者仍按本例從重論

臣等謹按前條係積匪猾賊定地發配之例後條係徒流等犯分別逃回釋回及初犯再犯之賊分別次數辦理之例查積匪猾賊原例發極邊烟瘴充軍嗣於嘉慶四年_臣部議覆署伊犁將軍大學士保寧請酌發新疆遣犯摺內奏准仍將此項改發

伊犁等處酌撥當差擬軍原例應行修改又查名例內載應發新疆人犯如年逾五十不能耕作之人仍照原例辦理毋庸擬發新疆等語應一併修纂又查名例徒流人又犯罪新修條例內載尋常竊盜問擬軍流徒罪到配後其在配在逃行竊審係一二次贓未至滿貫者徒罪復犯擬以滿流軍流復犯俱改發雲貴兩廣極邊烟瘴充軍若犯至三次者照積匪猾賊例擬

遣計贓滿貫者仍照律擬絞監候等語是
軍流徒犯逃後行竊已有治罪專條此處
毋庸複載應將後條逃回一項節刪其釋
回之犯後條例內止言流徒應添入軍犯
一項以昭賅備又竊盜恭遇

恩赦例得免其併計一次軍流人犯在配釋回如
從前未經遇

赦者應免其併計一次有犯以初犯科斷若在已
經得免併計之後因竊問擬軍流徒罪者

如釋回後不知悛改連竊三次以上應以
積匪獨賊論應於第二條例內添入如係
得免併計之後因竊問擬軍流徒罪句以
免牽混又未經得免併計之犯因竊問擬
軍流徒罪不知悛改復行犯竊者雖比已
經得免併計之犯有間然較之初犯再犯
之賊情節略重如糾夥四次以上獨竊至
六次以上者應以積匪獨賊問擬亦應增
入以昭平允合併聲明謹將修改例文三

條開列於後

修改

一積匪獨賊爲害地方審實不論會否刺字發
伊犁等處酌撥當差如年在五十以上者仍
發雲貴兩廣極邊烟瘴充軍

一竊盜於得免併計之後因竊問擬軍流徒罪
在配釋回復行犯竊如止一二次同時並發
者按照得免併計後犯竊到官次數分別初
犯再犯三犯科罪若不知悔改連竊二次以

上同時並發者照積匪獨賊例定擬

一未經得免併計之犯因竊問擬軍流徒罪在
配釋回不知悔改如爲首糾夥疊竊至四次
以上或雖未糾夥而被糾疊竊及獨竊至六
次以上者及初犯再犯之賊爲首糾竊至六
次以上或未糾夥而被糾疊竊及獨竊至八
次以上者均照積匪獨賊例擬遣其並未糾
夥行竊數少而情節有類於積匪者卽照積
匪獨賊例量減一等擬以滿徒其三犯及計

賊重者仍按本例從其重者論

原例

一回民行竊除賊數滿貫罪無可加及無夥眾持械情狀者均照律辦理外其結夥三人以上及執持繩鞭器械者均不分首從不計賊數次數改發雲貴兩廣極邊烟瘴充軍

中等謹按回民行竊結夥三人以上執持繩鞭器械者發極邊烟瘴充軍係乾隆四十八年定例嗣於嘉慶四年臣部遵

旨議覆署伊犁將軍大學士保寧因新疆各廠做工人少奏請酌發伊犁遣犯案內將此項仍發伊犁等處酌撥當差奉

旨依議欽遵在案此條充軍舊例應行修改再查名例內載應發新疆人犯如年逾五十不能耕作之人仍照原例辦理毋庸擬發新疆等語應一併添纂又查回民行竊必夥眾持械方擬發遣例內及字係屬贅文應行節刪又結夥三人以上而未執持器械

及雖未執持器械而結夥在十人以上者
例內俱無治罪明文遇有此等案件礙難
辦理查鬪毆例載回民結夥三人以上執
持兇器毆人發雲貴兩廣極邊烟瘴充軍
如結夥雖在三人以上而俱徒手爭毆並
無執持兇器者於軍罪減一等杖一百徒
三年結夥在十人以上雖無執持兇器而
但毆傷人者仍照結夥三人以上執持兇
器之例定擬等語定例極為周詳此例應
援照彼條詳細增敘以昭賅備而歸畫一
謹將修改例文開列於後

修改

一回民行竊除賊數滿貫罪無可加及無夥眾
持械之情狀者均照律辦理外其結夥三人
以上執持繩鞭器械者均不分首從不計賊
數次數改發伊犁等處酌撥當差如年在五
十以上發雲貴兩廣極邊烟瘴充軍若結夥
雖在三人以上而俱徒手行竊並無執持繩

鞭器械者於遣罪上減一等杖一百徒三年
結夥十人以上雖無執持繩鞭器械而但行
竊者仍照三人以上執持繩鞭器械之例擬
遣

原例

一竊盜臨時拒捕為首殺人者擬斬立決為從
幫同下手有傷者不論他物金刃俱擬絞監
候拒捕未經幫毆成傷者發極邊足四千里
充軍其傷人未死如刃傷及折傷以上者首

犯擬斬監候為從發近邊充軍若臨時拒捕
傷非金刃傷輕平復之首犯改發邊遠充軍
拒捕不傷人之首犯發近邊充軍為從各杖
一百徒三年

一竊盜棄財逃走及未經得財逃走事主追逐
因而拒捕殺人者首犯擬斬監候為從幫同
下手有傷者不論他物金刃俱擬絞監候其
雖曾拒捕或亦持仗而未經幫毆成傷者應
減首犯一等杖一百流三千里若傷人未死

如刃傷及折傷以上者首犯擬絞盜候從犯亦減等擬流若傷非金刃傷輕平復並拒捕無傷者仍依罪人拒捕本律科斷

臣等謹按前條竊盜臨阻拒捕傷非金刃傷輕平復之首犯舊例發近邊充軍迨乾隆二十三年奏准改發新疆三十二年仍發內地較原例加一等發邊遠充軍纂入例冊嗣於嘉慶四年臣部遵

旨議覆署伊犁將軍大學士保寧以新疆做工人少奏請酌發伊犁遣犯摺內將此項改發伊犁等處酌撥當差奉

旨依議欽遵在案此條充軍舊例應行修改再查名例內載應發新疆人犯如年逾五十不能耕作之人仍照原例辦理毋庸擬發新疆等語是年逾五十不能耕作照原例辦理者係照舊例發近邊充軍不在加等之列應於例內添改明晰以資引用又查竊盜拒捕殺人之案必臨時在盜所護駁護

賊及雖未得財而未離盜所逞兇拒捕或
雖離盜所而臨時護賊格鬪跡近於強故
不論所殺係事主鄰佑俱罪應斬決若已
離盜所業經棄財與並未得財逃走或夥
賊攜賊先遁其後逃之賊被事主追逐拒
捕及已經逃走因見夥賊被獲幫護拒捕
俱由情急圖脫並非護賊格鬪或被事主
事後搜捕起意拒捕者是既離盜所又非
臨時應依罪人拒捕本律定擬應於例內

分別申敘增詳以昭賅備又查拒捕殺人
案內為從幫毆有傷之犯二條例內俱係
不問他物金刃擬絞監候推原例意因其
逞兇幫毆同惡相濟擬以纒首固屬罪所
應得但其中情節不一傷亦有輕重之不
同例內止言金刃他物設有手足拒捕至
折傷以上之案例內未經申敘礙難引用
又傷非金刃僅止手足他物而又未致折
傷者若不分輕重一律擬絞亦覺無所區

別此等案件自應以傷之輕重為斷如刃傷及折傷以上者自當問擬絞候若傷非金刃且在折傷以下者自應量為酌減查臨時拒捕案內未經幫毆成傷之犯例應發極邊足四千里充軍若幫毆有傷者應加一等發雲貴兩廣極邊烟瘴充軍逃走拒捕案內未經幫毆成傷之犯罪應杖一百流三千里若幫毆有傷者應加一等發附近充軍庶足以昭平允再查強盜律內有竊盜臨時拒捕及逃走拒捕二款誠以盜賊拒捕迹近於強故列於強盜律內而例文二條又載在竊盜例內是律例分載兩門未免舛錯應將竊盜臨時拒捕及逃走拒捕例文二條依類移載強盜門內以歸畫一合併聲明謹將修併移改例文開列於後

賊盜上

強盜

移改

一竊盜臨時盜所拒捕護賊護夥者皆是及雖未得財

而未離盜所逞兇拒捕或雖離盜所而臨時

護賊格鬪已離盜所護賊者不在此例殺人者不論所殺

係事主鄰佑將爲首者擬斬立決爲從幫毆

如刃傷及他物手足至折傷以上者俱擬絞

監候傷非金刃又非折傷者發雲貴兩廣極

邊烟瘴充軍拒捕未經幫毆成傷者發極邊

足四千里充軍其傷人未死如刃傷及折傷

以上者首犯擬斬監候爲從發近邊充軍若

傷非金刃傷輕平復首犯改發伊犁等處酌

撥當差如年在五十以上發近邊充軍拒捕

未經成傷者首犯發近邊充軍爲從各杖一

百徒三年如被事主事後搜捕起意拒捕者

仍依罪人拒捕本律分別殺傷科斷

一竊盜棄財逃走與未經得財逃走被事主追

逐拒捕或夥賊攜贓先遁後逃之賊被追拒

捕及已經逃走因見夥犯被獲幫護拒捕因

大清律例
刑律十二
而殺人者首犯俱擬斬監候為從幫毆如刃傷及手足他物至折傷以上者俱擬絞監候傷非金刃又非折傷者發附近充軍未經幫毆傷者杖一百流三千里其傷人未死如刃傷及折傷以上者首犯擬絞監候從犯減等擬流若傷非金刃傷輕平復並拒捕未經成傷者及事後追捕有拒捕殺傷者仍各依罪人拒捕本律科斷

如逃走並未棄財仍以臨時護賊格論

續纂

一竊盜恭遇

恩詔得免併計後三犯擬流復遇

恩赦累減釋放如再犯竊仍以三犯科斷

已等謹按內外衙門辦理竊盜案件以曾經刺字為坐併計次數科罪若遇

恩詔免其併計一次之後如再犯竊俱按照初次恩詔後所犯次數併計科罪等因纂入例冊遵行在案惟曾經得免併計之後復行三犯擬流又遇

恩赦累減釋放如再犯竊者臣部於此等案件俱仍以三犯科斷該犯已經遇

赦得免併計一赦不能再赦現在三犯流罪可以

援

赦減免而從前得免併計之後初犯再犯次數不

能一併蠲除故有犯仍以三犯論內外問

刑衙門一體遵行原無歧誤惟是例無明

文殊少依據謹纂為專條以便引用

刪除

一私赴新疆偷販玉石者一經查獲即照竊盜

例計贓論罪滿貫者擬絞監候

臣等謹按私販新疆玉石照竊盜例治罪

滿貫者絞監候係乾隆四十三年定例嗣

於嘉慶四年臣部具奏請弛私賣玉器例

禁摺內欽奉

諭旨葉爾羌和闐等處出產玉石向聽民間售賣

並無例禁明文因高樸串通商販採買玉石案

內始行定例凡私赴新疆偷販玉石即照竊盜

例計贓論罪原非舊例所有况仍有偷盜貨賣者今查前案因此拖累多人朕心殊為不忍著照刑部所議嗣後販賣新疆玉石無論已未成器者概免治罪其從前辦過販玉案內各犯准其報部核釋欽此欽遵在案此條係屬舊例應行刪除

原例

一積匪猾賊為害地方審實不能會否刺字發伊犁等處酌撥當差如年在五寸以上者仍

發雲貴兩廣極邊烟瘴充軍

一未經得免併計之犯因竊問擬軍流徒罪在配釋回不知悔改如為首糾夥疊竊至四次以上或雖未糾夥而被糾疊竊及獨竊至六次以上者及初犯再犯之賊為首糾竊在六次以上或未糾夥而被糾疊竊及獨竊至八次以上者均照積匪猾賊例擬遣其並未糾夥行竊數少而情節有類於積猾者即照積匪猾賊例量減一等擬以滿徒其三犯及計

賊車者仍按本例從其重者論

一曰民行竊除賊數滿貫罪無可加及無夥眾持械情狀者均照律辦理外其結夥三人以上執持繩鞭器械者均不分首從不計賊數次數改發伊犁等處酌撥當差如年在五十以上發雲貴兩廣極邊烟瘴充軍若結夥雖在三人以上而俱徒手行竊並無執持繩鞭器械者於遣罪上減一等杖一百徒三年結夥十人以上雖無執持繩鞭器械而但行竊

者仍照三人以上執持繩鞭器械之例擬遣

臣等謹按嘉慶十年八月臣部遵

旨調劑吉林等處安插人犯摺內議將積匪獨賊

回民行竊結夥三人以上執持繩鞭器械

等六條仍照舊例改發內地等因奏准在

案例內改發伊犁當差及照例擬遣之處

均應修改再查由新疆改發內地人犯例

應加一等惟此二項原例均係發雲貴兩

廣極邊烟瘴充軍無可復加應仍照舊例

修輯其年逾五十各犯本係發雲貴兩廣毋庸復載謹將修改例文三條開列於後

修改

一積匪猾賊爲害地方審實不論曾否刺字改發雲貴兩廣極邊煙瘴充軍

一未經得免併計之犯因竊問擬軍流徒罪在配釋回不知悔改如爲首糾夥疊竊至四次以上或雖未糾夥而被糾疊竊及獨竊至六次以上者初犯再犯之賊爲首糾竊在六次

以上或未糾夥而被糾疊竊及獨竊至八次以上者均照積匪猾賊例擬軍其並未糾夥行竊數少而情節有類於積匪者卽照積匪猾賊例量減一等擬以滿徒其三犯及計賊重者仍按本例從其重者論

一回民行竊除贓數滿貫罪無可加及無夥眾持械情狀者均照律辦理外其結夥三人以上執持繩鞭器械者不分首從不計贓數次數改發雲貴兩廣極邊煙瘴充軍若結夥雖

在三人以上而俱徒手行竊並無執持繩鞭器械者於軍罪上減一等杖一百徒三年結夥十人以上雖無執持繩鞭器械而但行竊者仍照三人以上執持繩鞭器械之例擬軍

原例

一凡店家船戶有行竊商民及糾合匪類竊賊朋分者除分別首從計贓照常人科斷外仍照捕役行竊例各加枷號兩箇月

臣等謹按嘉慶十三年十月內陝西巡撫

方維甸咨涇陽縣脚戶楊起雲拐賣王祥麟布疋一案將楊起雲依拐帶人財物律計贓擬徒免刺經臣部查船戶與脚戶同一攬運客貨之人其沿途盜賣爲害商旅情無二致船戶行竊例內旣以常人竊盜科斷則脚戶行竊自未便辦理兩歧楊起雲係脚戶攬運盜賣自應照例以竊盜科斷將楊起雲依竊盜律計贓擬徒刺面仍照捕役行竊例加枷號兩箇月並以從前

各省於此等案件有照竊盜計贓定罪者
亦有照拐帶問擬者辦理未能畫一通行
各省一體遵照在案應於例內增纂以資
引用再查車夫一項與脚戶情事相同亦
應一併纂入以昭賅備謹將修改例文開
列於後

修改

一凡店家船戶腳夫車夫有行竊商民及糾合
匪類窩贓朋分者除分別首從計贓照常人

科斷外仍照捕役行竊例各加枷號兩箇月

原例

一隨

駕官員之跟役無論奴僕雇工如有偷盜馬匹器械
逃回者擬絞監候其不曾偷盜馬匹器械逃
回之跟役係奴僕訊問伊主情愿領回者鞭
一百刺字給主領回不愿領回者發黑龍江
等處給披甲人爲奴若係雇工其所雇係旗
下家奴枷號三箇月鞭一百刺字交還本主

如所雇係民人刺字解回原籍杖一百徒三年仍向各犯家屬及中保人等追出原雇價值給還原主至在逃跟役令各該關津嚴行查拿如失察過關將該汛官兵照失察逃人例加等治罪

臣等謹按嘉慶十八年七月內臣部遵

旨議奏應發黑龍江等處遣犯分別改發駐防摺內請將隨圍奴僕逃走伊主不愿領回一條發各省駐防給官員兵丁爲奴等因奏

准通行在案例內發黑龍江之處應行修改謹將修改例文條開列於後

修改

一隨

駕官員之跟役無論奴僕雇工如有偷盜馬匹器械逃回者擬絞監候其不曾偷盜馬匹器械逃回之跟役係奴僕訊問伊主情愿領回者鞭一百刺字給主領回不愿領回者發各省駐防給官員兵丁爲奴若係雇工其所雇係旗

大清律例
刑律三 賊盜中
三
竊盜

下家奴枷號三箇月鞭一百刺字交還本主
如所雇係民人刺字解回原籍杖一百徒三
年仍向各犯家屬及中保人等追出原雇價
值給還原主至在逃跟役令各該關津嚴行
查拿如失察過關將該汛官兵照失察逃人
例加等治罪

原例

一未經得免併計之犯因竊問擬軍流徒罪在
配釋回不知悛改如爲首糾夥疊竊至四次
以上或雖未糾夥而被糾疊竊及獨竊至六
次以上者初犯再犯之賊爲首糾竊在六次
以上或未經糾夥而被糾疊竊及獨竊至八
次以上均照積匪猾賊例擬軍其並未糾夥
行竊數少而情節有類於積匪者卽照積匪
猾賊例量減一等擬以滿徒其三犯及計賊
重者仍按本例從其重者論

臣等謹按積匪猾賊一項例內未經得免
併計因竊問擬軍流徒罪釋回之犯以爲

首夥竊四次或被糾疊竊及獨竊六次爲斷初犯再犯之賊以爲首糾竊六次或被糾疊竊及獨竊八次爲斷惟積匪量減一項例內統言情類積猾並未指定次數以致各省辦理未能畫一先經臣部於嘉慶十七年九月內酌議章程通行各省嗣後未經得免併計之犯因竊問擬軍流徒罪在配釋回如爲首糾竊三次或被糾疊竊及獨竊四次初犯再犯之賊如爲首糾竊

四次或被糾疊竊及獨竊六次同時並發者均以積匪量減論若不及前數仍從一科斷等因在案應於例內增纂明晰再糾竊六次或被糾疊竊及獨竊八次均應按例擬軍各省因例內有以上二字間有將糾竊六次及被糾疊竊與獨竊八次之案照積匪量減擬徒殊屬誤會例意雖經臣部隨案改正究屬未能畫一應請節刪例文內以上二字庶足以昭賅備而便引用

謹將修改例文開列於後

修改

一 未經得免併計之犯因竊問擬軍流徒罪在配釋回不知悛改如爲首糾夥疊竊至四次或雖未糾夥而被糾疊竊及獨竊至六次者並初犯再犯之賊爲首糾竊至六次或未糾夥而被糾疊竊及獨竊至八次者均照積匪猾賊例擬軍其未經得免併計之犯因竊問擬軍流徒罪在配釋回爲首糾竊二次或被

糾疊竊及獨竊四次並初犯再犯之賊爲首糾竊四次或被糾疊竊及獨竊六次同時並發者均照積匪猾賊例量減一等擬以滿徒其三犯及計贓重者仍按各本例從其重者

論

原例

一 竊盜逃走事主倉惶追捕失足身死及失財窘迫因而自盡者除有拒鬪情事及贓銀數多並積匪三犯等項仍照律例從重治罪外

如審無拒鬪情形賊少罪輕不至滿徒者將賊犯照因姦釀命例杖一百徒三年

臣等謹按竊盜逃走拒捕例應計賊加拒捕罪二等此條例內有拒鬪情事照例從重治罪係指罪在滿徒以上者而言若拒捕之罪不至滿徒則應仍按本條科斷惟例內並未將拒捕罪在滿徒以上指明而又稱審無拒鬪情形以致援引滿徒錯誤應請於例內修改明晰謹將修改例文開

列於後

修改

一竊盜逃走事主倉惶追捕失足身死及失財窘迫因而自盡者除拒捕傷人及贖銀數多並積匪三犯等項罪在滿徒以上仍照律例從重治罪外如賊少罪輕不至滿徒者將賊犯照因姦釀命例杖一百徒三年

續纂

一川省及陝甘二省附近川境之漢中興安商

州二府州屬西安鳳翔兩府屬之孝義宜陝
蓋屋鄠縣藍田寶鷄隴州各廳州縣暨鞏昌
府屬之洮州岷州西和並秦州階州及所屬
之秦安清水徽縣禮縣兩當文縣成縣三岔
白馬關各廳州縣如有竊匪攜帶刀械絡竄
之案除犯該徒罪以上及初犯賊輕並無糾
夥帶刀情事者仍按本律本例定擬外其糾
夥糾竊賊輕而訊係再犯並帶有刀械者枷
號三箇月滿日責四十板繫帶鐵桿三年如

未糾夥或糾夥而訊係初犯帶有刀械者枷
號兩箇月滿日責四十板繫帶鐵桿二年其
並未竊物分贓而隨行服役及帶刀到處遊
蕩者枷號一箇月滿日責四十板繫帶鐵桿
一年釋放時仍照例分別刺字免刺該州縣
每辦一案卽報明臬司督撫按季彙冊報部
限滿開釋鐵桿時亦報部查核倘該匪徒於
限滿開釋後仍復犯案卽加重懲辦

臣等謹按嘉慶十六年八月內據四川總

督常明奏川省糾竊匪徒應請分別嚴懲
一摺欽奉

上諭常明奏請將川省糾匪嚴加懲創據稱該省
從前辦理糾竊之案除糾至五六次者比照積
匪猾賊減等擬徒仍奏明照該省懲治匪徒例
按依徒限繫帶鐵桿示警其尋常罪止笞杖之
糾匪只照例發落請嗣後徒罪以上及初犯賊
輕並無糾夥帶刀之糾匪仍照本律問擬其糾
夥糾竊有贓輕而訊係再犯並帶有刀械者枷

號三箇月滿日折責加繫帶鐵桿二年如未糾
夥或糾夥而訊係初犯帶有刀械者枷號兩箇
月滿日折責加繫帶鐵桿二年其未竊物分贓
而隨行服役及帶刀到處遊蕩者枷號一箇月
滿日折責加繫帶鐵桿一年釋放時仍照例分
別刺字免刺各等語川省無籍貧民動輒身帶
小刀四出遊蕩乘機肆竊或聚集一處恃眾行
兇釀成搶奪鉅案自應從嚴懲治俾知儆畏著
卽照該督所奏按糾竊次數及有無糾眾帶刀

分別枷號繫帶鐵桿年分辦理惟各州縣獲犯懲辦必當有所查考著該州縣每辦一案卽報明臬司總督由總督彙冊報部限滿開釋鐵桿時亦報部查核庶不致州縣官任意常年羈禁而各匪徒倘於限滿開釋後仍復犯案卽加重懲辦部中亦有可以稽考該部知道摺併發欽此嗣據調任陝西巡撫董教增及調任陝甘總督那彥成先後奏請將陝西漢中興安商州三府州屬及西安鳳翔兩府屬通

近南山之孝義盍陝盩厔鄠縣藍田寶雞隴州各廳州縣暨甘肅鞏昌府屬之洮州岷州西和並秦州階州所屬之秦安清水徽縣禮縣兩當文縣成縣三岔白馬關各廳州縣遇有匪徒攜帶刀械糾竊之案俱照川省奏准定例畫一辦理等因奏蒙允准各在案應纂爲例以便遵行

續纂

一山東一省竊賊除贓數滿貫罪無可加及行

竊僅止一二人仍照舊例辦理外其竊賊結夥在三人以上執持繩鞭及刀鑿棍棒等器械者不分首從贓數次數俱發雲貴兩廣極邊烟瘴充軍三人以上徒手行竊者於軍罪上減一等杖一百徒三年若結夥至十人以上雖徒手亦照三人以上執持繩鞭器械之例辦理俟該省盜賊之風稍息再行奏明復歸舊例

臣等謹按嘉慶二十三年八月十二日奉

上諭和舜武奏酌改竊賊窩主條例一摺近日東省糾眾夥竊之案甚多且有窩家爲之淵藪自應嚴立科條俾奸民知所畏懼嗣後山東一省竊賊除贓數滿貫罪無可加及行竊僅止一二人並窩竊未及三名仍照舊例辦理外其竊賊結夥在三人以上執持繩鞭器械者不分首從贓數次數俱改發雲貴兩廣極邊烟瘴充軍三人以上徒手行竊者於軍罪上減一等杖一百徒三年若結夥至十人以上雖徒手亦照三人

以上執持繩鞭器械之例辦理窩竊二名以上坐地分贓及代變贓物者發近邊充軍五名以上者卽發雲貴兩廣極邊烟瘴充軍地保及在官人役有窩賊分贓者悉照捕役叅竊例辦理俟東省盜賊之風稍息再由該撫奏明復歸舊例至近日並有廢員在籍窩賊如王奎聚者尤出情理之外著刑部將曾任職官及在籍職官窩藏盜賊者另行從重定擬條例具奏欽此當

經臣部議將職官窩藏盜賊照窩主本律

本例加等治罪奏准在案除將平民窩竊並職官窩藏盜賊之處載入盜賊窩主門內遵行外應將山東一省竊賊分別人數有無執持器械之處恭纂爲例以便引用一山東省地方叅竊兵役或坐地分贓或得受月規一經審實俱於應得各本罪上加一等定擬俟該省盜風稍息再奏明復歸舊例

臣等謹按嘉應二十五年正月內軍機大臣會同臣部議覆前任山東巡撫程國仁

奏整飭地方章程摺內聲明該省參竊兵役或坐地分贓或得受月規一經審實俱加等定擬俟該省盜風稍息再奏明復歸舊例等因奏准在案應纂輯為例以便引用

竊盜

原例

一凡旗人犯罪例應刺字者即銷除旗檔照民人一例辦理若旗人行竊有情同積匪及賊逾滿貫者該犯子孫一併銷除旗檔各令為民除滿貫之案於題本內聲明外餘俱按季彙題

臣等謹按道光五年四月內管理廂黃旗滿洲都統英和等條奏懲勸旗人摺內聲

器械者於軍罪上減一等杖一百徒三年結夥十人以上雖無執持繩鞭器械而但行竊者仍照三人以上執持繩鞭器械之例擬軍

臣等謹按道光五年三月內臣部條奏回

民結夥執持器械行竊請修改例文一摺內稱回民獷忤性成往往結黨成羣攜帶繩鞭器械四出剽竊擾害閭閻與尋常宵小不同是以定例從嚴懲創例言器械所包者廣凡小刀棍棒等項皆是並非專指

繩鞭一項如結夥已在三人以上內有一人執持繩鞭或雖無繩鞭但執持小刀棍棒等器械凡非徒手即應照例不分首從擬軍若因內有一人執持小刀棍棒等械即不以執持器械論將案犯減等擬徒則與徒手行竊之例顯相刺謬例內俱徒手行竊字樣係與上文執有繩鞭器械對舉而言必無一人執持器械方與俱徒手行竊擬徒之例符合例義本可互見惟查各

省審擬回民結夥三人以上行竊之案內
但一人執持小刀等械有將案犯均照例
不分首從擬軍者亦有拘泥繩鞭二字以
所持小刀等項並非兇器將案犯均照徒
手行竊例擬徒者辦理兩歧議請嗣後回
民行竊結夥三人以上但有一人執持器
械無論繩鞭小刀棍棒俱不分首從不計
贓數次數改發雲貴兩廣極邊烟瘴充軍
若結夥三人以上而俱徒手行竊者於軍

罪上減一等杖一百徒三年若結夥十人
以上雖無執持器械而但行竊者仍照三
人以上執持器械之例擬軍等因具奏奉
旨依議欽此欽遵在案應於例內修改明晰以昭
畫一謹將修改例文開列於後

修改

一回民行竊除贓數滿貫罪無可加及無夥眾
持械情狀者均照律辦理外其結夥三人以
上但有一人執持器械無論繩鞭小刀棍棒

俱不分首從不計贓數次數改發雲貴兩廣
極邊烟瘴充軍若結夥雖在三人以止而俱
徒手行竊者於軍罪上減一等杖一百徒三
年結夥十人以上雖無執持器械而但行竊
者仍照三人以上執持器械之例擬軍

原例

一捕役行竊除計贓罪應擬絞者仍照尋常竊
盜定擬外其餘計贓罪應軍流徒杖之案無
論首從各加枷號兩箇月如勾通竊賊坐地

分贓參賊一二名至五名者改發雲貴兩廣
極邊煙瘴地方充軍係地方官平時不行稽
察或知風查拿不加嚴究止以借端責革照
不實力奉行稽察賊盜例交部議處

一凡兵丁為竊移回本營令該管官捆打插箭
遊營仍送有司收管照捕役行竊例按罪發
落該管武弁及承審文武有意開脫者各照
例議處

一山東地方參竊兵役或坐地分贓或得受月

規一經查實俱於應得各本罪上加一等定擬俟該省盜風稍息再奏明復歸舊例

盜賊窩主

原例

一山東一省地保及在官人役有窩賊分贓者悉照捕役參賊例辦理

臣等謹按道光七年三月初九日奉

上諭御史盛思本奏京城竊案日多請嚴定兵役包庇專條一摺所奏是京師為輦轂重地近來

竊案纍纍賊犯日久無獲顯有兵役包庇徇縱情弊必應亟加整頓以靖姦宄着刑部將各營兵丁並各項在官人役窩賊分贓及包庇者嚴定科條妥擬具奏欽此 部查盜賊行跡詭秘

自應責成捕役兵丁及保約人等上緊緝捕查拿庶不致蔓延為害該兵役等如敢護窩庇匪其情尤為可惡擬罪自應從嚴向例止有捕役參賊擬軍之條其兵丁地保參竊並未議及惟山東省於嘉慶年間

先後將地方並在官人役窩賊之犯奏定
加等問擬而直隸省亦於道光六年經該
督將窩賊分賊之兵丁及在官人役奏定
擬軍因思兵丁參竊情節較重不特順天
府五城與直隸省事同一體應畫一從重
懲辦即各省擬此案件亦未便辦理兩歧
當經臣部悉心參酌繕列各條舊例加具
按語奏請改為修併新例一條繕寫清單

恭呈

御覽奉

旨依議欽此欽遵通行各直省在案茲經修例應
請載入以資引用謹將修改例文開列於
後

修併

一凡捕役兵丁地保等項在官人役有稽察緝
捕之責者除為匪及窩匪本罪應擬斬絞外
遣各照本律本例定擬外如自行犯竊罪應
軍流徒杖無論首從各加枷號兩箇月兵丁

仍插箭遊營若勾通豪養竊賊及搶劫各匪
 坐地分贓或受賄包庇窩家者俱實發雲貴
 兩廣極邊烟瘴充軍倘地方員弁平時不行
 稽察或知風查拿有意開脫不加嚴究止以
 藉端責革照不實力奉行稽察盜賊例交部
 議處至別項在官人役倘無緝捕稽查之責
 者如串通窩頓竊匪貽害地方亦各於應得
 本罪上加一等治罪

原例

一回民行竊除贓數滿貫罪無可加及無夥眾
 持械情狀者均照律辦理外其結夥三人以
 上但有一人執持器械無論繩鞭小刀棍棒
 不分首從不計贓數次數改發雲貴兩廣極
 邊烟瘴充軍若結夥雖在三人以上而俱徒
 手行竊者於軍罪上減一等杖一百徒三年
 結夥十人以上雖無執持器械而但行竊者
 仍照三人以上執持器械擬軍

臣等謹按道光七年三月內臣部以回民

結夥行竊尙未得財例無明文而詳查竊盜得財與未得財罪名有杖笞之別即強盜得財與未得財亦有生死之殊比類叅觀自應將回民結夥行竊未得財之案各於軍徒罪上量減一等定擬以示區別當經臣部通行內外問刑衙門查照辦理在案應請於例內添纂以資引用謹將修改例文開列於後

修改

一回民行竊除賊數滿貫罪無可加及無夥眾持械情狀者均照律辦理外其結夥三人以上但有一人執持器械無論繩鞭小刀棍棒俱不分首從不計賊數次數發雲貴兩廣極邊烟瘴充軍若結夥在三人以上而俱徒手行竊者於軍罪上減一等杖一百徒三年結夥十人以上雖無執持器械而但行竊者仍照三人以上執持器械之例擬軍如行竊未得財各於軍徒罪上減一等問擬

續纂

一直隸省尋常竊盜除計贓計次罪應軍流徒
並初犯行竊不及四次再犯不及三次罪止
杖枷訊無結夥攜帶兇器刀械者仍各依本
律例問擬外如初犯再犯糾夥四名以下並
帶器械者各於所犯本罪上加枷號一箇月
如初犯行竊四次以上再犯三次以上結夥
已有四名並持有兇器刀械計贓罪止杖枷
者於刺責後加繫帶鐵桿一枝以四十斤為

度定限一年釋放如初犯繫帶鐵桿限滿釋
放後再行犯竊計贓罪止杖枷者仍繫帶鐵
桿一年釋放若搶竊犯案擬徒於到配折責
後鎖帶鐵桿徒限屆滿開釋遞籍如在配脫
逃被獲訊無行兇為匪仍發原配從新拘役
領帶鐵桿其因搶竊擬徒限滿釋回後復行
犯竊罪止杖枷者無論次數有無結夥攜械
於責刺後繫帶鐵桿二年釋放倘不悛改滋
生事端再繫一年釋放此後盜風稍息該督

察看情形奏明仍照舊例辦理

臣等謹按道光六年五月初四日奉

上諭那彥成奏請嚴竊盜治罪之例一摺直隸界連豫東幅隕遼瀾匪徒出沒近來各屬報竊之案日多甚至搶劫橫行且有犯竊擬徒限滿釋回旋復為盜被獲半多售匪該督請援照四川結匪江蘇徐淮匪徒之例分別懲治以挽盜風著照所請嗣後直隸除尋常竊盜計贓計次罪應軍遣流徒仍各依本例問擬外其行竊初犯

不及四次再犯不及三次罪止枷杖訊無結夥攜帶兇器刀械仍着照例定擬如有糾夥四名以下並帶器械者均於所犯本罪之外着加枷號一箇月至行竊初犯四次以上再犯三次以上結夥已有四名並持兇器刀械計贓科罪亦止杖枷者於刺責後着加繫帶鐵桿一枝以四十斤為度定限一年釋放若因竊擬徒限滿釋回復犯罪止杖枷無論次數並有無結夥攜械於責刺後着加繫帶鐵桿一枝定限二年釋放

倘仍不悛改滋生事端再繫一年如限滿釋放
後仍復犯案即着加重嚴辦此係因時制宜量
加懲創俾宵小咸知儆畏如此後盜風稍息該
督察看情形奏請仍照舊例辦理該部知道欽
此又據直隸總督那彥成以原奏內釋放
後仍復犯竊並未議及必須另立科條從
嚴懲辦庶各犯皆知畏法不敢輕蹈故轍
此外尚有因搶竊犯案擬徒在配一項亦
應酌定懲治章程以免在配復竊酌擬嗣

後拿獲賊匪到案罪止杖枷查係再犯到
官者仍照原奏初犯行竊罪名分別繫帶
鐵桿外其臨時行強案內訊止在外接贓
不知行強情由仍依竊盜計贓科罪之徒
犯及搶竊各案問擬徒罪並因搶竊擬徒
在配脫逃被獲訊無行竊為匪仍發原配
從新拘役各犯無論徒罪年限多寡到配
折責後鎖帶鐵桿一枝俟徒限屆滿始准
開放遞籍等因咨部經 臣部照議咨覆在

案應請纂輯為例以資引用 臣等伏查臨時行強案內訊止在外接賊不知行強情由仍依竊盜計贓科罪之徒犯即屬因竊擬徒原咨內已有搶竊各案問擬徒罪等句已足賅括毋庸贅敘合併聲明

刪除

一山東一省竊賊除贓數滿貫罪無可加及行竊僅止一二人仍照舊例辦理外其竊賊結夥在三人以上執持繩鞭及刀鑿棍棒等器

械者不分首從贓數次數俱發雲貴兩廣極邊烟瘴充軍三人以上徒手行竊者於軍罪上減一等杖一百徒三年若結夥在十人以上雖徒手亦照三人以上執持繩鞭器械之例辦理俟該省盜賊之風稍息再行奏明復歸舊例

臣等謹按道光七年四月內據前署山東巡撫程含章奏山東竊賊案件請復舊例辦理將情重者酌帶鐵桿石礮一摺內稱

山東省竊盜計自改例至今已閱十年照新例加重擬軍擬徒者不下萬餘名而盜風究未稍息伏思鼠竊狗盜何地蔑有在他省止問杖責在東省則問至極邊烟瘴乃法嚴而賊不畏刑重而盜不止似辦理尙未得宜更當從長計議請嗣後山東竊案仍照舊例辦理其有情節較重實係攜帶鐵鎗流星刀劍等物及倚眾迭竊並兇橫拒捕傷人本罪止於杖枷者卽鎖帶鐵

桿石礮一二年如能悔罪自新或有親族鄉鄰保領者地方官查實隨時釋放仍令該州縣報明院司察考等因經臣部照議核覆具奏奉

旨依議欽此欽遵在案所有山東省竊賊結夥行竊分別問擬軍徒舊例一條應請刪除其該省竊賊鎖帶鐵桿石礮之處應請另立專條以資引用請將纂輯例文開列於後

續纂

一山東省竊賊如有携帶鐵鎗流星刀劍等物及倚眾迭竊並兇橫拒捕傷人本罪止於枷杖者酌加鎖帶鐵桿石礮一二年如能悔罪自新或有親族鄉鄰保領者地方官查實隨時釋放仍令該州縣報明院司察考

竊盜

恐嚇取財門

原例

一湖南湖北兩省搶竊及興販私鹽各犯除罪應軍流以上者仍按本律例定擬外如罪應擬徒之犯應刺字者先行刺字毋庸解配在籍繫帶鐵桿五年竊盜贓至十兩以上罪應擬杖者繫帶鐵桿三年限滿開釋分別杖責如釋放後復行犯案遞加繫帶鐵桿二年三

犯按例從重問擬該州縣每辦一案仍報明督撫臬司按季彙冊咨部限滿開釋時亦報部查核若該州縣任聽書役舞弊朦混妄及無辜從嚴叅辦俟數年後此風稍息仍照舊例辦理

臣等謹按道光二十四年十月內據閩浙總督劉韻珂奏搶竊應擬徒杖人犯變通成例酌量鎖繫石礮以昭懲創一摺內稱閩省地處浙濱民情獷悍搶劫之案層見

叠出推原其故蓋由杖罪人犯一經責釋卽無繫累之苦徒犯到配又可以乘間脫逃故若輩不知悛改以攘奪爲故常肆行無忌竊以此等匪徒性成頑梗必有以苦累其身庶可以稍馴其氣近年山東直隸湖廣等省各將搶竊應擬杖徒人犯奏准鎖繫石礮斂桿纂例遵行閩省盜風與山東等省略同自應循照辦理嗣後閩省搶竊匪徒除罪應軍流以上者仍按本律本

例定擬外其罪應擬徒之犯先行刺字毋庸解配在籍鎖繫石礮五年罪應擬杖者鎖繫石礮三年限滿開釋分別杖責如釋放後復行犯案遞加鎖繫石礮二年三犯按例從重問擬該州縣每辦一案仍報明督撫臬司按季彙冊咨部限滿開釋時亦報部查核俟數年後盜風稍息仍照舊例辦理等因經臣部照擬核覆具奏奉

旨依議欽此欽遵在案等伏思此等搶竊各犯

分別鎖繫石礮鐵桿應載入竊盜門內以便查考從前湖南湖北兩省搶竊繫帶鐵桿之例因內有訛詐一項是以載入恐嚇取財門內茲訛詐一項已於道光十九年據前任湖廣總督周天爵條奏刪去復將興販私鹽一項纂入例冊其閩省請定搶竊匪犯鎖繫石礮之例亦係仿照湖南湖北定例辦理自應一併移入竊盜門內添纂明晰以資引用謹將移改例文開列於

後

移改

一 湖南湖北兩省搶竊及興販私鹽各犯並聞
 省搶竊匪徒除罪應軍流以上者仍按本律
 本例定擬外如罪應擬徒之犯應刺字者先
 行刺字毋庸解配在籍鎖帶鐵桿石礮五年
 罪應擬杖者鎖帶鐵桿石礮三年限滿開釋
 分別杖責釋放後復行犯案遞加鎖帶鐵桿
 石礮二年三犯按例從重問擬該州縣每辦

一 案仍報明督撫臬司按季彙冊咨部限滿
 開釋時亦報部查核若該州縣任聽書役舞
 弊朦混妄及無辜從嚴叅辦俟數年後此風
 稍息仍照舊例辦理

原例

一 山東省竊賊如有攜帶鐵鎗流星刀劍等物
 及倚眾疊竊並兇橫拒捕傷人本罪止於枷
 號者酌加鎖帶鐵桿石礮一二年如能悔罪
 自新或有親族鄉鄰保領者地方官查實隨

時釋放仍令該州縣報明院司察考

臣等謹按道光二十五年二月內臣部議

覆安徽巡撫王植條奏懲創土匪等情一

節內稱凡刀械土匪罪止枷杖而兇惡難

化者加繫鐵桿收管定立年限察看果能

改悔釋令自新如有竊盜情節較重者亦

照此條辦理經臣部照議核覆等因具奏

奉

旨依議欽此欽遵在案除土匪帶刀訛詐分別繫

帶鐵桿另行纂輯定例外至該省請將竊

盜情節較重加繫鐵桿之處係照該省刀

械匪徒鎖繫鐵桿之例辦理而情節較重

罪止枷杖之竊盜限年加繫鐵桿則與山

東省竊盜加繫鐵桿石礮之例情無二致

應於東省專例內添纂安徽照辦一層以

資引用再查此例係為嚴懲竊匪起見倘

數年此風稍息應奏明仍照舊例辦理謹

將修改例文開列於後

修改

一山東省竊賊如有攜帶鐵鎗流星刀劍等物及尙器竊並兇橫捕傷人本罪止於枷杖者酌加鎖帶鐵桿石礮一二年如能悔罪自新或有親族鄉鄰保領者地方官查實隨時釋放仍令該州縣報明院司察考至安徽省罪止枷杖情節較重之竊盜亦照此例加繫鐵桿倘數年後此風稍息奏明仍照舊例辦理

竊盜

原例

一湖南湖北兩省搶竊及與販私鹽各犯並闖省搶竊匪徒除罪應軍流以上者仍按本律本例定擬外如罪應擬徒之犯應刺字者先行刺字母庸解配在籍鎖帶鐵桿石礮五年罪應擬杖者鎖帶鐵桿石礮三年限滿開釋分別杖責釋放後復行犯案遞加鎖帶鐵桿石礮二年三犯按例從重問擬該州縣每辦

分別嚴辦該州縣每辦一案卽錄敘全案供招報明督撫臬司按季彙冊咨部如同案人犯有問擬軍流以上者仍專案分別題咨均於限滿開釋時報部查覈若該州縣任聽書役舞弊朦混妄及無辜從嚴叅究俟數年後此風稍息仍照舊例辦理

續纂

一尋常竊盜除並無夥眾持械及雖夥眾持械而賊至滿貫罪無可加或犯該軍流發遣者

均仍照律例辦理外其有糾夥十人以上但有一人執持器械者不計賊數次數爲首之犯實發雲貴兩廣極邊煙瘴充軍爲從杖一百徒三年若糾夥十人以上並未持械及糾夥二人以上但有一人持械者不計賊數次數爲首之犯杖一百徒三年爲從杖九十徒二年半如行竊未得財各於軍徒罪上遞減一等問擬俟數年後此風稍息奏明仍復舊例

竊盜

原例

一川省及陝甘二省附近川境之漢中興安商
州三府州屬西安鳳翔兩府屬之孝義宜陝
盩厔鄠縣藍田寶鷄隴州各廳州縣暨鞏昌
府屬之洮州岷州西和並秦州階州及所屬
之秦安清水徽縣禮縣兩當文縣成縣三岔
白馬關各廳州縣如有竊匪攜帶刀械絡竊
之案除犯該徒罪以上及初犯賊輕並無糾

夥帶刀情事者仍按本律本例定擬外其糾夥絡竊賊輕而訊係再犯並帶有刀械者枷號三箇月滿日責四十板繫帶鐵桿三年如未糾夥或糾夥而訊係初犯帶有刀械者枷號兩箇月滿日責四十板繫帶鐵桿二年其並未竊物分贓而隨行服役及帶刀到處遊蕩者枷號一箇月滿日責四十板繫帶鐵桿一年釋放時仍照例分別刺字免刺該州縣每辦一案卽報明臬司督撫按季彙冊報部

限滿開釋鐵桿時亦報部查核倘該匪徒於限滿開釋後仍復犯案卽加重懲辦

修改

一四川陝西及甘省附近川境鞏昌府屬之洮州岷州西和並秦州階州及所屬秦安清水徽縣禮縣兩當文縣成縣三岔白馬關各廳州縣匪徒攜帶刀械絡竊之案如結夥三人以上絡竊賊輕及結夥不及三人而訊係再犯帶有刀械按竊盜本例應擬徒罪者枷號

三箇月滿日責四十板繫帶鐵桿石礮三年
應擬杖罪者枷號兩箇月滿日責四十板繫
帶鐵桿石礮二年其並未竊物分贓而隨行
服役及帶刀到處遊蕩者枷號一箇月滿日
責四十板繫帶鐵桿石礮一年釋放時仍照
例分別刺字免刺如不知悛改復敢帶桿滋
擾或毀桿潛逃持以逞兇拒捕除實犯死罪
外其餘罪應軍流者均於本罪上加一等仍
加枷號兩箇月罪應擬徒者以大鍊鎖繫巨

石五年罪應擬杖者鎖繫巨石三年限滿果
能悔罪自新或有親族鄉鄰甘結保領地方
官查實隨時開釋詳報倘釋放後復敢帶刀
逞兇訛詐絡竊卽鎖繫巨石不拘限期仍令
該州縣報明院司查核按季彙冊報部如有
妄拿無辜鎖繫巨石者該管上司訪察嚴叅
俟數年後此風稍息仍復舊例辦理

